



Ulloq: 12. November 2025
Allaffik: Nordatlantkontoret
Sul.sulia: Niels Duelund
Suliap normua: 2025-04705
Takussutissaq: 3829070

Politiit Immikkut Paasiniaasartui (PET) pillugit inatsisip allanngortinneqarnera pillugu inatsimmi, illersornissaqarfiup politiillu immikkut paasiniaasartui pillugit ataatsimiititalianik pilersitsisoqarnissaa pillugu inatsimmi aamma pasinapiluttunik kallerriisartut illersorneqarnissaat pillugit inatsimmi (Immikkut paasiniaasartut nakkutilliivigineqarnerisa patajaallisaavigineqarnerat) § 1-p Kalaallit Nunaannut atuutilersinneqarnissaa pillugu peqqussut

Politiit Immikkut Paasiniaasartuinut (PET-mut) tunngatillugu Immikkut Paasiniaasartut pillugit Nakkutilliisut patajaallisarneqarneratigut Kalaallit Nunaanni soorlu aamma Danmarkimi innuttaasunut inatsisitigut isumannaatsuunissamut tunngassuteqartut tamanut atugassiat qulakkeerneqarnissaannik peqqussut siunertaqarpoq.

Nakkutilliisut piginnaatinneqarnerisa aamma PET-p malittarisassat najoqqutassallu atuuttut naapertorlugit suliagarnerminnut tunngasumik suliassaminnik isumaginninnerata, inatsisinut malittarisassanullu atuuttunut naapertuuttumik suliarineqarnerannik tulliusumik nakkutilliivigineqarnissaanik ilaatitsilerneq aamma annertusisitsineq, peqqussutip kinguneraa. Tamanna nakkutilliisut suliassa qarfigalugu piginnaasaqartinneqarfianni pingaarutilimmik annertusititsissaaq, taamaalillunilu maannamut suliassa qarfik (PET-imi inunnik paasissutissat suliarineqarnerat) aamma PET-p malittarisassat najoqqutassallu atuuttut naapertorlugit suliassaminik suliarinninnera ilaatinneqalissapput.

Sullissiviup suliassai pillugit PET pillugu inatsimmi § 1 malillugu, PET-p »malittarisassat najoqqutassallu atuuttut naapertorlugit suliaqarnerminnut tunngasumik suliassaminik isumaginninnera« ima paasineqassaaq, aallaaviatigut malittarisassat najoqqutassallu atuuttut naapertorlugit suliaqarnermut tunngasumik suliassaminik isumaginninnermini ingerlatai tamaasa, sullissiviup suliassaminik piviusumik naammassinninnissaminut atatillugu suliarisai, matumani pitsaaliuineq, pinerluttoqarsimaneranik paasiniaaneq aamma pinerliiniarnerit aamma kilitsisiatut sulinerit akiorneqarnerat il.il.

»Malittarisassat najoqqutassallu atuuttut naapertorlugit suliaqarnerminnut tunngasumik suliassaminik isumaginninnera« pillugu taaguutip avataaniipput pissutsit allaffissornermut attuumassuteqartut, matumani PET-mi sulisut pillugit suliat kiisalu PET-p missingersuutai naatsorsuutaalu ilanngullugit.

PET-p malittarisassat najoqqutassallu atuuttut naapertorlugit suliaqarnerminnut tunngasumik suliassaminik isumaginninneranik nakkutilliineq »inatsisinut malittarisassanullu naapertuuttumik sulisoqarnersoq pillugu nakkutilliinertut« pissuseqarpoq aamma taamaalilluni PET malittarisassat, sullissivimmut atuuttut, iluanni iliuuseqarsimanersoq tassani sammineqassalluni. Taamaalilluni inatsisinik atuuttunik, matumani PET pillugu inatsimmik, allaffissornikkut najoqqutassanik, ingerlatsineq pillugu inatsiseqartitsinermini malittarisassanik nalinginnaasunik aamma isummanik tunngaviusunik kiisalu naalagaaffiup nunat tamat akornanni pisussaaffiunik, matumani EMRK ilanngullugu, PET-p eqqortitsineranik nakkutilliineq ilaatigut ilaqartinneqassaaq. Tamatuma saniatigut PET-p malittarisassat najoqqutassallu atuuttut naapertorlugit suliakkerinerminnut tunngasumik suliassaminik isumaginninnermini suliffiup iluani najoqqutassanik eqqortitsisimanersoq nakkutilliisut nakkutigisinnaavaat.

Suliassa qarfiit, eqqartuussisarnermik inatsimmi malittarisassanit PET-p mininneqarfii, pineqartillugit, matumani inuit sunniiniartartut atornerat, PET-p suliassa qarfimmuut imaluunniit malittarisassanut atuuttut allanut naapertuuttumik inunnik

paasissutissanik ingerlatitseqqittartunik pissarsisimanagera ingerlatsisimaneralu, matumani EMRK ilanngullugu, Nakkutilliisut assersuutigalugu nakkutilliiffigisinnaassavaat, soorlu aamma sullissiviup inuit paasissutissanik ingerlatitseqqittartut taamaattoqassappat taarsiivigineqarnissamik piumasaqaataannut il.il. atatillugu sulianik suliarinninnerat nakkutilliisut nakkutilliivigisinnaagaat. PET-p atortussanik, tamanna pillugu eqqartuussisarnermik inatsit malillugu ilaatigut inuup nakkutigineqarani inummut allamut nalunaaruteqarsinnaatitaanerani akuliunnermit pissarsiarineqartunik nungutitsisarnera, nakkutilliisut assigisaanik nakkutilliivigisinnaassavaat.

Suliassaqarfinni, taakkunani PET pinerluttoqarsimanerani paasiniaanermini – soorlu politiit allat – eqqartuussisarnermik inatsimmi malittarisassanik malinnittussaaneranni, eqqartuussiviup aalajangiinera naapertorlugu PET iliuuseqarsimanersoq, nakkutilliisut nakkutilliivigisinnaassavaat. Tassunga atatillugu, eqqartuussiviit akuliunnermut aalajangersimasumut assigisaanulluunniit piffissaliussaq aalajangersimasaat, PET-p eqqortissimaneraa nakkutilliisut ilaatigut misileqqissinnaassavaat. Nakkutilliisut eqqartuussiviit aalajangiineri misileqqittussaasinnaassanngilaat, tamannalu ilaagut nakkutilliisut eqqartuussiviit naliliinerinut isummertussaannnginnerannik kinguneqarpoq.

Immikkut Paasiniaasartut pillugit Nakkutilliisunut piginnaatitaaffiup annertusineqarneratigut tulliuttumik inatsisinut malittarisassanullu naapertuuttumik sulisoqarnerani nakkutilliisinnaasussaanermik ingerlatsinissaanut assersuut alla tassaavoq PET pillugu inatsit malillugu PET-p inunnik aamma inatsisigut pisinnaatitaasunik pisussaataitaasunillu misissuinerinik aallartitsitsinera. Misissuinerit taamaattut PET pillugu inatsimmi § 5-imi malittarisassiuunneqarput. Tassunga atasumik ilaatigut PET pillugu inatsimmi § 5 malillugu misissuinerup aallartissinnaanerani PET-p naliliineranut atatillugu, ingerlatsineq pillugu inatsiseqartitsinermi malittarisassanik nalinginnaasunik aamma isummanik tunngaviusunik, matumani pisortani oqartussaasutut pissaaneramik atorneerluinnginnissamut-

aamma naligiissitaanermut tunngaviit ilanngullugit, eqqortitsisimanersoq, nakkutilliisut nakkutilliivigisinnaavaat.

Misissuinermi pineqartoq nakkutilliisut piginnaatitaaffiisa avataaniippat, nakkutilliisut suliat ingerlanneqartarsimanerannik, pissutsinik assigiinngisitaartunik paasiuminaatsunik il.il., pissutsinut atassuteqartunik, peqqussutip atuutilersinneqarnera sioqqullugu pisimasunik, nakkutilliisut sulianik misissuinerneq suliaqarsinnaasussaapput.

§ 18, imm. 2 peqqussutip aammattaaq eqquppaa, tamatumalu kingorna PET pillugu inatsimmi § 18, imm. 1 malillugu Immikkut Paasiniaasartut pillugit Nakkutilliisut nakkutilliinerminnut atatillugu, navianaatit annertunerpaaffinik suliniutit toraagaqartinneqarnissaannik tunngaveqartumik pullaveqartussaasariaqassapput. Ilaatigut nakkutilliinerneq suliat, massakkuugallartoq PET pillugu inatsimmi § 18 malillugu nakkutilliisut suliaasaat, ilatigullu tulliusumik PET-p malittarisassat najoqqutassallu atuuttut naapertorlugit suliakkerinnerminnut tunngasumik suliaassaminik isumaginninneranik inatsisinut malittarisassanullu naapertuuttumik nakkutilliivigineqarnissaat, § 18, imm. 1-imut innersuussinerneq ilaatinneqassammata maluginiarneqassaaq.

Siunissami nakkutilliinerup pingaarnertut taamaallaat kukkunissamut aarlerinaatip annerpaaffissaanik ukkatarinnissannginnera, kisianni minnerpaamik kukkunerusinnaasut inunnut inatsisitigullu pisinnaatitaasunut pisussaataasunullu atassuteqarsinnaasut ajoqusiinerneq sunniutaattut nalilerneqartunik, imaluunniit systemimi kukkunernik imaluunniit unammilligassanik, PET-p nalinginnaasumik sulineranut tatiginninnerneq sunniuteqarsinnaasunut atassuteqartunik ukkatarinninnissaq tamatuma kinguneraa. Taamaalilluni PET-p nakkutilliivigineqarnerani, ingammik sullissiviup suliai, inuit inatsisitigullu pisinnaatitaasut pisussaataasullu inatsisigit isumannaatsuunerannut kiisalu sullissivinnut tamat tatiginninnerannut annerpaamik pingaaruteqartutut nalilerneqartut, anguniarneqarput.

Naggataagut immikkoortortaqrifiup nakkutilliivigisassatut
suliassaqrifiisa iluanni immikkut ittumik nakkutilliinernik
suliaqaqqullugit aamma taakku inerneru nakkutilliisunut
ingerlateqqeqqullugit, PET-imi suliffiup iluani kukkuneruuisartut
Immikkut Paasiniaasartut pillugit Nakkutilliisut
noqqaavigisinnaavaat. Nakkutilliinernut piviusunut tunngatillugu,
tassani nakkutilliisut naleqquttuutippassuk, PET-mi suliffiup iluani
kukkuneruuisartut nakkutilliinerup ajornaatsumik
naammassineqarnissani noqqaavigisinnaassavaat.

Suliap allatut paasinarsisinneqarnissaa periarfissaanngippat,
aammattaaq nakkutilliisup suliaqarneranut pissutsit piviusut pillugit
sullissivimmi aqutsisut attuumassuteqartut, pineqartut
akisussaaffigisaat, oqaatsit atorlugit nassuiaateqarnissaat
nakkutilliisut noqqaassutigisinnaavaat.